

CYNGOR SIR

DYDD MERCHER, 28 MEDI 2022

PRESENNOL Cynghorydd R.E. Evans (Cadeirydd)

Cynghorwyr (Yn y Siambr):

P. Cooper	D.M. Cundy	C.A. Davies	B. Davies
L. Davies	L.D. Evans	N. Evans	W.T. Evans
S. Godfrey-Coles	J.P. Hart	P.M. Hughes	J.D. James
R. James	G.H. John	D. Jones	H. Jones
A. Lenny	A. Leyshon	K. Madge	D. Nicholas
M. Palfreman	D. Price	E. Rees	B.A.L. Roberts
E. Skinner	E.G. Thomas	G.B. Thomas	M. Thomas
J. Tremlett			

Cynghorwyr (Yn rhithwir):

S.M. Allen	L.R. Bowen	K.V. Broom	J.M. Charles
M.D. Cranham	S.A. Curry	W.R.A. Davies	T.A.J. Davies
C. Davies	G. Davies	L.M. Davies	T. Davies
M. Donoghue	A. Evans	D.C. Evans	H.A.L. Evans
A.D. Harries	T.M. Higgins	J.K. Howell	P. Hughes-Griffiths
M. James	J.P. Jenkins	B.W. Jones	A.C. Jones
G.R. Jones	M.J.A. Lewis	N. Lewis	A.G. Morgan
D. Owen	B.D.J. Phillips	S.L. Rees	E.M.J.G. Schiavone
H.B. Shepardson	D. Thomas	F. Walters	D.E. Williams
J. Williams			

Yr oedd y swyddogion canlynol yn gwasanaethu yn y cyfarfod (Yn y Siambr):

W. Walters, Prif Weithredwr
C. Moore, Cyfarwyddwr Gwasanaethau Corfforaethol
G. Morgans, Cyfarwyddwr Gwasanaethau Addysg a Phlant
N. Daniel, Pennaeth Gwasanaethau TGCh a Pholisi Corfforaethol
J. Morgan, Pennaeth Cartrefi a Chymunedau Mwy Diogel
L.R. Jones, Pennaeth Gweinyddiaeth a'r Gyfraith
P.R. Thomas, Prif Weithredwr Cynorthwyol (Rheoli Pobl a Pherfformiad)
A. Williams, Pennaeth y Gwasanaethau Amgylcheddol a Gwastraff
G. Morgan, Pennaeth Gwasanaethau Democraidaidd
C. Higginson, Rheolwr y Cyfryngau
S. Rees, Cyfieithydd Ar Y Pryd
M.S. Davies, Swyddog Gwasanaethau Democraidaidd [Cymerwr cofnodion]

Yr oedd y swyddogion canlynol yn gwasanaethu yn y cyfarfod (Yn rhithwir):

R. Griffiths, Pennaeth Lle a Chynaliadwyedd;
H. Morgan, Rheolwr Datblygu Adfywio a Pholisi;
M. Evans Thomas, Prif Swyddog Gwasanaethau Democraidaidd;
J. Owen, Swyddog Gwasanaethau Democraidaidd.

Siambr, Neuadd y Sir, Caerfyrddin ac o bell - 10.00 yb - 12.40 yp

1. YMDDIHEURIADAU AM ABSENOLDEB

Derbyniwyd ymddiheuriadau am absenoldeb gan y Cyngorwyr A. Davies, H.L. Davies, K. Davies, S.L. Davies, R. Sparks, A. Vaughan-Owen a P.T. Warlow.

2. DATGANIADAU O FUDDIANNAU PERSONOL.

Y Cyngorydd	Rhif y Cofnod	Y Math o Fuddiant
R. James	11.1 Rhybudd o Gynnig a gyflwynwyd gan y Cyngorydd Lewis Davies	Partner yn gweithio yng Ngwasanaethau Llyfrgelloedd y Cyngor;
D.C. Evans	11.1 Rhybudd o Gynnig a gyflwynwyd gan y Cyngorydd Lewis Davies	Gwraig yn gweithio i'r Cyngor;
T.A.J. Davies	11.1 Rhybudd o Gynnig a gyflwynwyd gan y Cyngorydd Lewis Davies	Chwaer-yng-nghyfraith yn gweithio i'r Cyngor;
L. Bowen	11.1 Rhybudd o Gynnig a gyflwynwyd gan y Cyngorydd Lewis Davies	Gwraig yn gweithio yn Uned Gyfieithu'r Cyngor;
J. Hart	11.1 Rhybudd o Gynnig a gyflwynwyd gan y Cyngorydd Lewis Davies	Partner yn gweithio i'r Cyngor;
M. Palfreman	11.1 Rhybudd o Gynnig a gyflwynwyd gan y Cyngorydd Lewis Davies	Ffrindiau'n gweithio i'r Cyngor;
M. James	11.1 Rhybudd o Gynnig a gyflwynwyd gan y Cyngorydd Lewis Davies	Ffrind agos yn gweithio fel cynorthwydd addysgu;
B.A.L. Roberts	11.1 Rhybudd o Gynnig a gyflwynwyd gan y Cyngorydd Lewis Davies	Merch a mab-yng-nghyfraith yn gweithio i'r Cyngor;
B. Davies	11.1 Rhybudd o Gynnig a gyflwynwyd gan y Cyngorydd Lewis Davies	Gwraig yn gweithio yn Adran Gwasanaethau Cymunedol y Cyngor;
H. Jones	11.1 Rhybudd o Gynnig a gyflwynwyd gan y Cyngorydd Lewis Davies	Aelodau o'r teulu a ffrindiau'n gweithio i'r Cyngor;
K. Madge	11.1 Rhybudd o Gynnig a gyflwynwyd gan y Cyngorydd Lewis Davies	Merch yn gweithio yn adran Gofal Cymdeithasol y Cyngor;
H.A.L. Evans	11.1 Rhybudd o Gynnig a gyflwynwyd gan y Cyngorydd Lewis Davies	Ffrind yn gweithio i'r Cyngor;
N. Evans	11.1 Rhybudd o Gynnig a gyflwynwyd gan y Cyngorydd Lewis Davies	Merch yn gweithio i'r Cyngor;
A. Evans	11.1 Rhybudd o Gynnig a gyflwynwyd gan y Cyngorydd Lewis Davies	Mam yn gweithio yn Adran Gwasanaethau Democrataidd y Cyngor;

S. Godfrey-Coles	11.1 Rhybudd o Gynnig a gyflwynwyd gan y Cynghorydd Lewis Davies	Partner yn gweithio i'r Cyngor;
D. Nicholas	11.1 Rhybudd o Gynnig a gyflwynwyd gan y Cynghorydd Lewis Davies	Merch a mab-yng-nghyfraith yn gweithio i'r Cyngor;
T.M. Higgins	11.1 Rhybudd o Gynnig a gyflwynwyd gan y Cynghorydd Lewis Davies	Nith yn gweithio yng Ngwasanaethau Llyfrgelloedd y Cyngor;
D.M. Cundy	11.1 Rhybudd o Gynnig a gyflwynwyd gan y Cynghorydd Lewis Davies	Sawl perthynas yn gweithio i'r Cyngor;
A. Leyshon	11.1 Rhybudd o Gynnig a gyflwynwyd gan y Cynghorydd Lewis Davies	Merch yn gweithio i'r Cyngor;
E. Rees	11.1 Rhybudd o Gynnig a gyflwynwyd gan y Cynghorydd Lewis Davies	Brawd yn gweithio i'r Cyngor;
P. Hughes	11.1 Rhybudd o Gynnig a gyflwynwyd gan y Cynghorydd Lewis Davies	Aelod o'r teulu'n gweithio i'r Cyngor;
C. Jones	11.1 Rhybudd o Gynnig a gyflwynwyd gan y Cynghorydd Lewis Davies	Merch-yng-nghyfraith yn gweithio i'r Cyngor;
G.H. John	11.1 Rhybudd o Gynnig a gyflwynwyd gan y Cynghorydd Lewis Davies	Merch yn gweithio yn Adran Cymunedau'r Cyngor;
T. Davies	11.1 Rhybudd o Gynnig a gyflwynwyd gan y Cynghorydd Lewis Davies	Ffrindiau a theulu'n gweithio i'r Cyngor;
J. James	11.1 Rhybudd o Gynnig a gyflwynwyd gan y Cynghorydd Lewis Davies	Mab-yng-nghyfraith yn gweithio i'r Cyngor;
M.D. Cranham	11.1 Rhybudd o Gynnig a gyflwynwyd gan y Cynghorydd Lewis Davies	Mab yn gweithio i'r Cyngor;
L. Davies	11.1 Rhybudd o Gynnig a gyflwynwyd gan y Cynghorydd Lewis Davies	Merch-yng-nghyfraith yn gweithio fel cynorthwydd addysgu;
F. Walters	11.1 Rhybudd o Gynnig a gyflwynwyd gan y Cynghorydd Lewis Davies	Aelodau o'r teulu yn gweithio i'r Cyngor;
M. Donoghue	11.1 Rhybudd o Gynnig a gyflwynwyd gan y Cynghorydd Lewis Davies	Teulu a ffrindiau'n gweithio i'r Cyngor;
C.A. Davies	11.1 Rhybudd o Gynnig a gyflwynwyd gan y Cynghorydd Lewis Davies	Aelod o'r teulu'n gweithio i'r Cyngor;
J.M. Charles	11.1 Rhybudd o Gynnig a gyflwynwyd gan y Cynghorydd Lewis Davies	Aelod o'r teulu'n gweithio i'r Cyngor;

R. Evans	11.1 Rhybudd o Gynnig a gyflwynwyd gan y Cynghorydd Lewis Davies	Merch yn gweithio i'r Cyngor;
D. Price	11.1 Rhybudd o Gynnig a gyflwynwyd gan y Cynghorydd Lewis Davies	Aelod o'r teulu'n gweithio i'r Cyngor.

3. CYHOEDDIADAU'R CADEIRYDD

- Cyfeiriodd y Cadeirydd at farwolaeth Ei Mawrhydi y Frenhines Elizabeth II gan ddweud ei fod wedi estyn cydymdeimlad dwysaf y Sir i'r teulu Brenhinol ar ran yr aelodau, y staff a'r trigolion. Ychwanegodd ei fod hefyd wedi cael yr anrhydedd o gyhoeddi Proclamasïwn y Brenin newydd ar risiau Neuadd y Sir, Caerfyrddin;
- Cyfeiriodd y Cadeirydd at farwolaeth y cyn-Gynghorydd Sir Jan Williams yn ddiweddar, a fu'n cynrychioli Ward Lliedi ac a fu hefyd yn gyn-Faer Cyngor Tref Llanelli, ac estynnodd ei gydymdeimlad diffuant i'w theulu ar ran y Cyngor;

Ar hynny cynhaliodd yr Aelodau a'r Swyddogion ddwy funud o ddistawrwydd;

- Dywedodd y Cadeirydd ei fod ef a'i Gydymaith wedi cael y pleser o fynd i nifer o ddiwyddiadau dros y mis diwethaf gan gynnwys ffair Rheilffordd Model Llanelli ym Mharc Gwledig Pen-bre;
- Cydymdeimlodd y Cynghorydd Ann Davies â theulu Maldwyn Harris a fu farw'n ddiweddar yn dilyn damwain drasig ar y fferm deuluol ym Mhen-y-banc, Llandeilo;
- Llongyfarchodd y Cynghorydd Ann Davies aelodau o Ffederasiwn Clybiau Ffermwyr Ifanc Sir Gaerfyrddin ar eu llwyddiannau diweddar mewn nifer o gystadlaethau ar lefel genedlaethol yn ystod y misoedd diwethaf, gan gynnwys ennill y gystadleuaeth Siarad Cyhoeddus yn Stafford ac ennill cwpan am y cynnydd mwyaf yn eu haelodaeth dros y flwyddyn ddiwethaf. Talodd y Cynghorydd Davies deyrnged i'r holl wirfoddolwyr hynny a helpodd i hyfforddi'r ffermwyr ifanc mewn gwahanol sgiliau a disgyblaethau, gan gynnwys y Cynghorydd Jean Lewis, a llongyfarchodd Ffederasiwn Clybiau Ffermwyr Ifanc Sir Gaerfyrddin ar y gwaith rhagorol y mae'n ei wneud ar gyfer pobl ifanc;
- Ar wahoddiad y Cadeirydd, dywedodd yr Arweinydd fod rhai o'r heriau, megis costau byw, yn parhau ac yn wir, wedi gwaethgu, yn dilyn penderfyniadau a wnaed yn Llundain, a hynny er gwaethaf y newidiadau diweddar gan y Llywodraeth, gan gynnwys Prif Weinidog newydd. Tybiodd y byddai'r penderfyniadau hynny'n cael effaith fawr, nid yn unig ar unigolion ond hefyd ar aelwydydd, ar fusnesau ac ar y sector cyhoeddus ledled y sir a hefyd ar y Cyngor Sir. Dywedodd fod swyddogion eisoes wedi dechrau ar y gwaith cynllunio, gan ystyried y gyllideb y flwyddyn nesaf, ac y byddai'r Cabinet yn ystyried adroddiad wythnos nesaf yn amlinellu'r heriau y mae'r Cyngor yn eu hwynebu gan gynnwys

chwyddiant, prisiau ynni a ffactorau eraill, ac roedd y Cyngor yn edrych ar fwch o £22 miliwn yn ei gyllideb. Dywedodd yr Arweinydd fod angen i bawb gydweithio i ddeall y sefyllfa ac i ddod o hyd i atebion. Ychwanegodd fod hon yn her ar hyd a lled y wlad ac nid oedd yn unigryw i Sir Gaerfyrddin ac roedd y trafodaethau hynny rhwng CLILC a Llywodraeth Cymru eisoes wedi dechrau. Roedd arweinwyr ac aelodau'r Cabinet yng Nghymru yn poeni am yr effaith ar wasanaethau ledled Cymru ac os nad oedd arian ychwanegol gan Lywodraeth Cymru na San Steffan, roedd risg aruthrol i rai gwasanaethau y mae eu hangen ar drigolion. Roedd yr Arweinydd o'r farn fod dyletswydd foesol ar y Cyngor i wneud popeth o fewn ei allu i gefnogi trigolion a busnesau yn ystod y cyfnod hwn ac ychwanegodd fod hyn yn digwydd ac y byddai'r gefnogaeth yn parhau. Cyfeiriodd at y ffaith fod taliadau o tua £200 yn cael eu gwneud ers y dydd Llun blaenorol i'r aelwydydd hynny oedd yn gymwys yn rhan o'r taliad tanwydd gaeaf. Yn ogystal roedd y Cabinet i fod i ystyried adroddiad ar gostau byw - o dan gronfa'r Cynllun Cymorth Disgresiynol Costau Byw roedd £1.5 miliwn yn Sir Gaerfyrddin i'w ddefnyddio, a'r gobaiht yw y bydd hyn yn rhoi cymorth ychwanegol i unigolion ac i'r sefydliadau hynny a oedd yn eu cefnogi. Atgoffwyd y Cyngor gan yr Arweinydd ynghylch y syniad o gefnogi'r unigolion hynny a oedd yn ei chael hi'n anodd gwresogi eu cartrefi a gofynnwyd i swyddogion ddechrau ar y gwaith o gynllunio a darparu'r gefnogaeth honno. Ychwanegodd fod gan y Cyngor Sir asedau hefyd megis llyfrgelloedd, canolfannau hamdden, ac y gallai'r rheiny gael eu defnyddio dros fisoedd y gaeaf. Yn ogystal, roedd sefydliadau eraill megis cynghorau cymuned a sefydliadau yn y sector a oedd yn awyddus i fod yn rhan o'r agenda hwnnw. Tasg y Cyngor Sir felly, ym marn yr Arweinydd, oedd gwneud yn siŵr fod asedau o'r fath yn cael eu defnyddio a'u cynnig, ond bod y Cyngor hefyd yn gweithio gyda'r sectorau eraill i sicrhau bod darpariaeth ledled y sir gyfan dros fisoedd y gaeaf. Nododd yr Arweinydd fod y Cyngor yn awyddus iawn i weithio gyda mudiadau ledled y sir, a chyda hynny mewn golwg roedd digwyddiad yn cael ei drefnu yn ystod y mis nesaf lle y byddai cyfle i aelodau a swyddogion y Cyngor a swyddogion o fudiadau eraill ddod at ei gilydd i sicrhau bod modd mynd i'r afael â'r heriau. Yn olaf, mynegodd farn na allai'r Cyngor wynebu'r her hon ar ei ben ei hun a byddai'n rhaid iddo gydweithio ar draws pob sector a chynllunio'r hyn y gellid ei wneud.

4. LLOFNODI YN GOFNOD CYWIR COFNODION CYFARFODYDD Y CYNGOR A GYNHALIWYD AR Y 13EG GORFFENNAF 2022

PENDERFYNWYD Ilofnodi cofnodion cyfarfod y Cyngor a gynhaliwyd ar 13eg Gorffennaf 2022 gan eu bod yn gywir.

5. AELODAETH PWYLLGORAU CRAFFU, PWYLLGORAU RHEOLEIDDIO A PHWYLLGORAU ERAILL Y CYNGOR A PHENODI AELODAU I WASANAETHU ARNYNT

Yn unol â gofynion Deddf Llywodraeth Leol a Thai 1989 a Rheoliadau Llywodraeth Leol (Pwyllgorau a Grwpiau Gwleidyddol) 1990, fel y'u diwygiwyd, rhoddwyd ystyriaeth i adroddiad yn manylu ar ganlyniad adolygiad o gyfansoddiad Pwyllgorau Craffu, Pwyllgorau Rheoleiddio a phwyllgorau eraill y Cyngor ar ôl cael rhybudd gan y Cynghorwyr Sharen Davies, Jason Hart a Louvain Roberts eu bod wedi ymuno â'r Grŵp Annibynnol.

PENDERFYNWYD, o ganlyniad i newidiadau i aelodaeth wleidyddol gyffredinol y Cyngor,

5.1 mabwysiadu'r newidiadau i nifer y seddi a ddelir gan y Grŵp Annibynnol a'r Aelodau heb Gysylltiad Pleidiol, fel y manylir yn Nhablau 1 a 3 yr adroddiad;

5.2 yn unol â Rheol Gweithdrefn Gorfforaethol 2 (2) (n), cymeradwyo newidiadau yn aelodaeth y Pwyllgorau yn sgil argymhelliad 5.1 uchod (fel y manylir yn yr adroddiad);

5.3 nodi nad oes dim newidiadau i nifer y seddi a ddelir gan Grwpiau Plaid Cymru a Llafur;

5.4 yn unol â Rhan 6 o Fesur Llywodraeth Leol (Cymru) 2011, nodi nad yw'r trefniadau presennol ar gyfer dyrannu'r 5 Cadeirydd Craffu yn newid.

6. PENODI AELODAU I WASANAETHU AR BWYLLGORAU YMGYNGHOROL Y CYNGOR AC AR GYRFF ALLANOL YN AMODOL AR Y GOFYNIION O RAN CYDBWYSEDD GWLEIDYDDOL

Yn unol â gofynion Adran 15 o Ddeddf Llywodraeth Leol a Thai 1989 rhoddwyd ystyriaeth i adroddiad a oedd yn manylu ar ganlyniad adolygiad ynghylch penodi aelodau i wasanaethu ar banelau ymgynghorol y Cyngor a chyrff allanol sy'n amodol ar y gofynion o ran cydbwysedd gwleidyddol, a hynny ar ôl cael gwybod gan y Cynghorwyr Sharen Davies, Jason Hart a Louvain Roberts eu bod wedi ymuno â'r Grŵp Annibynnol.

Cadarnhaodd Arweinydd y Grŵp Llafur y byddai'r Cynghorydd Rob Evans yn ildio'i sedd ar Awdurdod Tân ac Achub Canolbarth a Gorllewin Cymru

PENDERFYNWYD, o ganlyniad i newidiadau i aelodaeth wleidyddol gyffredinol y Cyngor,

**6.1 bod dyraniad y seddi ar Awdurdod Tân ac Achub Canolbarth a Gorllewin Cymru yn cael ei newid fel a ganlyn:-
Plaid Cymru (3) Llafur (1) Annibynnol (1);**

**6.2 bod dyraniad y seddi ar Weithgor Adolygu'r Cyfansoddiad y Cyngor (10) yn cael ei newid fel a ganlyn:-
Plaid Cymru (5) Llafur (3) Annibynnol (2);**

6.3 cymeradwyo'r newidiadau i aelodaeth fel y manylir yn yr adroddiad/yr adroddwyd yn y cyfarfod o ganlyniad i argymhellion 6.1 a 6.2 uchod;

6.4 nodi nad oes angen gwneud newidiadau mewn cydbwysedd gwleidyddol i nifer a dyraniad y seddi ar gyfer y canlynol: Awdurdod Parc Cenedlaethol Bannau Brycheiniog, Panel Heddlu a Throseddu Dyfed-Powys a Phanel Ymgynghorol Ynghylch y Polisi Tâl.

7. I YSTYRIED ARGYMHELLION CANLYNOL Y GRWP GWEITHGOR ADOLYGU'R CYFANSODDIAD:-

7.1. CYNIGION GYDA RHYBUDD

Rhoddodd y Cyngor ystyriaeth i adroddiad a oedd yn manylu ar argymhellion Gweithgor Trawsbleidiol Adolygu'r Cyfansoddiad ar eiriad diwygiedig arfaethedig o Reol 12 o Weithdrefn y Cyngor, 'Cynigion gyda Rhybudd', fel y nodir yn Atodiad 2 yr adroddiad, a oedd yn y bôn yn caniatáu i ddau neu ragor o aelodau gyflwyno Rhybudd o Gynnig a chael eu dyfarnu'n gyfartal.

PENDERFYNWYD cymeradwyo'r geiriad diwygiedig ar gyfer Rheol 12 o Weithdrefn y Cyngor 'Cynigion ar Rybudd' fel yr argymhellir gan Weithgor Adolygu'r Cyfansoddiad.

7.2. STRWYTHUR PWYLLGORAU CRAFFU

Rhoddodd y Cyngor ystyriaeth i adroddiad a oedd yn manylu ar argymhellion Gweithgor Trawsbleidiol Adolygu'r Cyfansoddiadol yn dilyn adolygiad o faes gorchwyl y Pwyllgorau Craffu fel eu bod yn cyd-fynd yn agosach â phortffolios Aelodau'r Cabinet.

PENDERFYNWYD cymeradwyo argymhellion Gweithgor Adolygu'r Cyfansoddiad a bod meysydd gorchwyl y Pwyllgorau Craffu yn cael eu diwygio, gyda phob Pwyllgor Craffu'n gyfrifol am graffu ar Bortffolios Penodol y Cabinet a'u gwasanaethau priodol a chael trosolwg ohonynt fel y manylir yn Opsiwn 2 yr adroddiad.

8. ETHOL IS-GADEIRYDD Y PWYLLGOR CRAFFU GOFAL CYMDEITHASOL AC IECHYD

PENDERFYNWYD ethol y Cynghorydd B.A.L. Roberts yn Is-gadeirydd y Pwyllgor Craffu – Gofal Cymdeithasol ac Iechyd.

9. YSTYRIED ARGYMHELLION Y CABINET O RAN A MATERION CYNLYNOL:-

9.1. POLISI ENWI STRYDOEDD A RHIFO EIDDO

Rhoddwyd gwybod i'r Cyngor fod y Cabinet, yn ei gyfarfod a gynhaliwyd ar 18 Gorffennaf 2022 (gweler cofnod 8), wedi ystyried Fersiwn Drafft o Bolisi Enwi Strydoedd ac Eiddo. Roedd y polisi wedi darparu fframwaith er mwyn i Gyngor Sir Caerfyrddin weithredu'r swyddogaeth Enwi a Rhifo Strydoedd yn effeithiol ac yn effeithlon er budd trigolion Sir Gaerfyrddin, y gwasanaethau brys, busnesau ac ymwelwyr â'r sir. Yn ogystal, roedd yn sicrhau bod y Cyngor yn adlewyrchu'r pwerau a'r dyletswyddau deddfwriaethol perthnasol hynny, gan gynnwys Deddf yr Iaith Gymraeg 1993, Mesur y Gymraeg (Cymru) 2011, Deddf Llesiant Cenedlaethau'r Dyfodol 2015 ac Adrannau 17 i 19 o Ddeddf Iechyd y Cyhoedd (1925).

PENDERFYNWYD YN UNFRYDOL fabwysiadu'r argymhelliad canlynol gan y Cabinet:

“9.1.1 cymeradwyo'r Fersiwn Drafft o'r Polisi Enwi Strydoedd a Rhifo Eiddo am gyfnod o 28 diwrnod o ymgynghori cyhoeddus;

9.1.2 bod unrhyw sylwadau a dderbynnir i'r ymgynghoriad, ynghyd ag argymhellion swyddogion, yn cael eu hadrodd yn ôl i'r Cyngor i'w trafod.”

9.2. ADRODDIAD BLYNYDDOL YNGYLCH RHEOLI'R TRYSORLYS A'R DANGOSYDD DARBODAETH 2021-2022

Rhodddwyd gwybod i'r Cyngor fod y Cabinet, yn ei gyfarfod a gynhaliwyd ar 25 Gorffennaf 2022 (gweler cofnod 8), wedi ystyried Adroddiad Blynyddol 2021-22 y Cyngor ynghylch Rheoli'r Trysorlys a Dangosyddion Darbodaeth.

PENDERFYNWYD YN UNFRYDOL fabwysiadu'r argymhelliad canlynol gan y Cabinet:

“bod Adroddiad Blynyddol 2021/22 ynghylch Dangosyddion Darbodaeth a Rheoli'r Trysorlys yn cael ei fabwysiadu.”

10. DERBYN ADRODDIAD CYFARFOD Y CABINET A GYNHALIWYD AR Y DYDDIADAU CANLYNOL:-

10.1. 4YDD GORFFENNAF 2022

PENDERFYNWYD YN UNFRYDOL dderbyn adroddiad cyfarfod y Cabinet a gynhaliwyd ar 4 Gorffennaf, 2022.

10.2. 18EG GORFFENNAF 2022

PENDERFYNWYD YN UNFRYDOL dderbyn adroddiad cyfarfod y Cabinet a gynhaliwyd ar 18 Gorffennaf, 2022.

10.3. 25AIN GORFFENNAF 2022

PENDERFYNWYD YN UNFRYDOL dderbyn adroddiad cyfarfod y Cabinet a gynhaliwyd ar 25 Gorffennaf, 2022.

11. YSTYRIED Y RHYBUDDION O GYNNIG CANLYNOL:-

11.1. RHYBUDD O GYNNIG A GYFLWYNWYD GAN Y CYNGHORYDD LEWIS DAVIES

[SYLWER: Roedd y Cyngorwyr R. James, D.C. Evans, T.A.J. Davies, L. Bowen, J. Hart, M. Palfreman, M. James, B.A.L. Roberts, B. Davies, H. Jones, K. Madge, N. Evans, H.A.L. Evans, A. Evans, S. Godfrey-Coles, D. Nicholas, T.M. Higgins, D.M. Cundy, A. Leyshon, E. Rees, P. Hughes, C. Jones, G.H. John, T. Davies, J. James, M. Cranham, L. Davies, F. Walters, M. Donoghue, C.A. Davies, J.M. Charles, R. Evans a D. Price wedi datgan buddiant personol yn yr eitem hon yn gynharach ac felly nid oeddynt yn bresennol pan oedd yr eitem yn cael ei hystyried.

Bu'r Cyngor yn ystyried y Rhybudd o Gynnig canlynol a gyflwynwyd gan y Cyngorwyr Lewis.

“Mae'r Cyngor hwn:

- a. Yn galw ar Lywodraeth San Steffan i ddatganoli i Lywodraeth Cymru yr awdurdod dros benderfynu ar wyliau banc yng Nghymru (drwy'r Ddeddf Bancio a Thrafodion Ariannol 1971) yn yr un modd â'r hyn sy'n digwydd ar hyn o bryd yn yr Alban a Gogledd Iwerddon, a gofyn i holl Gyngorau Cymru wneud cais tebyg drwy Gymdeithas Llywodraeth Leol Cymru.

- b. Yn nodi bod cefnogaeth gyhoeddus ar gyfer creu gŵyl y banc ar Ddydd Gŵyl Dewi yng Nghymru, a bod Llywodraeth Cymru wedi gofyn droeon i Lywodraeth y DU ddatganoli'r pwerau angenrheidiol.
- c. Yn gofyn i'r Cabinet ymchwilio i'r posibilrwydd a'r goblygiadau o ran dynodi Dydd Gŵyl Dewi fel diwrnod ychwanegol o absenoldeb â thâl i'w staff ar y 1af o Fawrth yn flynyddol.
- d. Yn gofyn i'r Cabinet ystyried sut y gall y Cyngor gefnogi dathliadau Dydd Gŵyl Dewi ymhellach ar 1 Mawrth ac yn ystod y cyfnod hwnnw, gan weithio ar y cyd â Chynghorau Tref a Chymuned a phartneriaid allweddol eraill i sicrhau budd diwylliannol ac economaidd."

Eiliwyd y cynnig.

Rhodddwyd cyfle i gynigydd ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Gwnaed nifer o ddatganiadau yn mynegi cefnogaeth i'r Cynnig.

PENDERFYNODD y Cyngor gefnogi'r Cynnig.

[NODYN: Cafodd yr eitem uchod ei hystyried cyn yr eitem olaf ar yr agenda - 'Cofnodion er Gwybodaeth' - o ystyried nifer yr aelodau a fyddai'n gorfod gadael y cyfarfod oherwydd eu bod eisoes wedi datgan buddiant.]

11.2. RHYBUDD O GYNNIG A GYFLWYNWYD GAN Y CYNGHORYDD JOHN JAMES

Bu'r Cyngor yn ystyried y Rhybudd o Gynnig canlynol a gyflwynwyd gan y Cynghorydd John James:-

"Bod y Cyngor hwn yn cydnabod yr effaith negyddol ddifrifol y mae'r argyfwng costau byw eisoes yn ei chael ar fywyd bob dydd trigolion Sir Gaerfyrddin ac yn yr achos hwn ar deuluoedd yn anfon eu plant i'r ysgol ac yn talu am eitemau megis gwisg ysgol, deunydd ysgrifennu, bwyd, yn ogystal ag ymdopi â'r diffyg trafnidiaeth i'r ysgol.

Hefyd, bod y Cyngor hwn yn gofyn yn barchus i Gabinet y Cyngor adfer y Panel Ymgynghorol Cludiant i'r Ysgol sy'n cynnwys aelodaeth wleidyddol gytbwys yn ogystal â'r Aelod Cabinet priodol ac sy'n cael eu cefnogi gan yr holl bersonél perthnasol i ymchwilio i'r holl opsiynau a allai helpu'r teuluoedd hyn."

Eiliwyd y cynnig.

Rhodddwyd cyfle i gynigydd ac eilydd y Cynnig siarad o blaid y Cynnig a bu iddynt amlinellu'r rhesymau dros ei gyflwyno, fel y'u nodwyd yn y Cynnig.

Cynigiwyd y gwelliant canlynol i'r cynnig gan y Cynghorydd Edward Thomas a chafodd ei eilio:

"Bod y Cyngor hwn yn cydnabod yr effaith negyddol ddifrifol y mae'r argyfwng costau byw eisoes yn ei chael ar fywyd bob dydd trigolion Sir Gaerfyrddin ac yn

yr achos hwn ar deuluoedd yn anfon eu plant i'r ysgol ac yn talu am eitemau megis gwisg ysgol, deunydd ysgrifennu, a bwyd.

Mae'r Cyngor hwn yn gofyn i'r Panel Ymgynghorol trawsbleidiol ynghylch Trechu Tlodi, sy'n cynnwys aelodaeth wleidyddol gytbwys yn ogystal â'r Aelod Cabinet priodol ac sy'n cael cefnogaeth gan yr holl bersonél perthnasol, ystyried costau trafnidiaeth ysgol fel rhan o'i Flaengynllun Gwaith.

Mae'r Cyngor yn cydnabod bod Llywodraeth Cymru'n cynnal adolygiad o'r Mesur Teithio gan Ddysgwyr a'r costau sy'n deillio ohono, a bod y Cabinet yn ysgrifennu at Lywodraeth Cymru'n gofyn am eglurder ynghylch pryd y bydd yr adolygiad terfynol yn cael ei gyhoeddi.

Mae'r Cyngor yn nodi bod Datganiad Gweledigaeth y Cabinet eisoes wedi galw ar y Panel Ymgynghorol ynghylch Trechu Tlodi i adolygu eu cylch gorchwyl er mwyn sicrhau bod ganddynt y cwrpas angenrheidiol i gynnal adolygiad o'r gwaith sy'n ofynnol mewn perthynas â Threchu Tlodi ac mae eisoes wedi gofyn i'r panel ddechrau ar unwaith ar faes gwaith ychwanegol mewn perthynas â'r argyfwng costau byw presennol.”

Rhodddwyd cyfle i Gynigydd ac Eilydd y Gwelliant siarad o'i blaid a rhoesant amlinelliad o'r rhesymau dros ei gyflwyno, fel y'u nodwyd yn y Gwelliant.

Gwnaed nifer o ddatganiadau a gefnogai'r Cynnig a'r Gwelliant.

Dywedwyd wrth y Cyngor, os byddai'r Gwelliant yn cael ei dderbyn, y gwelliant fyddai'r cynnig terfynol.

Yn dilyn pleidlais

PENDERFYNWYD bod y Cynnig, fel y'i diwygiwyd, yn cael ei gefnogi.

11.3. RHYBUDD O GYNNIG A GYFLWYNWYD GAN Y CYNGHORYDD SHELLY GODFREY-COLES

Dywedwyd wrth y Cyngor fod y Rhybudd o Gynnig wedi'i dynnu'n ôl.

12. CWESTIYNAU GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

13. CWESTIYNAU GAN YR AELODAU:-

13.1. CWESTIWN GAN CYNGHORYDD KEVIN MADGE I'R CYNGHORYDD DARREN PRICE, ARWEINYDD Y CYNGOR

“Hoffwn wybod gan Arweinydd y Cyngor pa gamau a fydd yn cael eu cymryd i sicrhau bod Neuadd y Gweithwyr, y Garnant mewn cyflwr diogel cyn y gaeaf ac i ddatrys y broblem o ran yr adeilad gwaethaf yr olwg yn Nyffryn Aman. Yn ogystal, dyma'r risg tân mwyaf yn Sir Gaerfyrddin ac mae'n beryg i'r holl drigolion lleol.”

Ymateb gan y Cyngorydd Darren Price, Arweinydd y Cyngor:-

“Mi es i drwy'r Garnant ddydd Sul – mae'r adeilad yn salw ac rydw i'n derbyn hynny. Ond yn anffodus rydym yn gweld hyn yn rhy aml ledled meysydd glo De Cymru – mae'r hen neuaddau gweithwyr, y sefydliadau, a'r ardaloedd sydd wedi

bod yn ganolog i'r gymuned dros ddegawdau bellach yn mynd â'u pennau iddynt. Ond nid yw hyn yn wir bob amser, ac rydym wedi gweld enghreifftiau da yma yn Sir Gaerfyrddin lle mae grwpiau cymunedol ac unigolion wedi ymgymryd â'r sefydliadau hyn ac maent yn ffynnu. Ond yn anffodus nid yw hynny'n wir yn y Garnant. Fel y bydd yr Aelod yn ymwybodol, gwerthwyd yr eiddo i berchennog newydd ym mis Rhagfyr 2021. Rwy'n ymwybodol bod cais yn aros i'w drafod gyda'r Gofrestrfa Tir, y mae swyddogion yn credu sy'n ymwneud â'r safle hwn, a chyn gynted ag y bydd y trafodiad wedi'i gofrestru gyda swyddfa'r Gofrestrfa Tir, bydd swyddogion yn y cyngor yn gallu nodi ac ymgysylltu â'r perchnogion newydd ynghylch yr adeilad. O ran yr agweddau diogelwch a godwyd, mae swyddogion Rheoli Adeiladu o adran gynllunio'r Cyngor wedi mynd i'r eiddo ar sawl achlysur i asesu cadernid strwythurol y wal ar y safle. Cynhaliwyd yr archwiliad diwethaf ar 19 Mai 2022 a daeth y swyddogion i'r casgliad nad oeddynt yn ystyried bod y wal yn beryglus ar hyn o bryd yn unol ag adrannau 77 a 78 o Ddeddf Adeiladu 1984. Er hynny, bydd swyddogion yn parhau i fonitro'r sefyllfa dros y 12 mis nesaf. Fel y bydd yr aelod yn ymwybodol, ac fel y bydd unrhyw aelod o'r Pwyllgor Cynllunio yn ymwybodol, gofynnwyd am ganiatâd cynllunio ac fe'i cymeradwywyd ychydig flynyddoedd yn ôl i gael cartref gofal ar y safle ac rwyf wedi gofyn i swyddogion gynnal trafodaethau gyda'r perchnogion newydd unwaith y byddant yn hysbys. Mae'n hollbwysig ein bod yn gwybod beth yw eu cynlluniau ar gyfer y safle. Ond yn amlwg mae nifer o eiddo adfeiliedig. Mae gen i rai yn fy ward fy hun ac rwy'n siŵr bod gan aelodau o bob rhan o'r siambr eiddo tebyg, sydd yn eiddo preifat. Nawr os oes angen trafodaeth ynghylch strategaeth y Cyngor o ran hynny, mae hynny'n drafodaeth wahanol ond byddwn yn gobeithio y byddai aelodau'n ymatal rhag dod ag enghreifftiau unigol i'r siambr. Ond rwy'n credu bod egwyddor y mater sy'n cael ei godi yn rhywbeth y mae angen i ni roi sylw iddo a byddwn yn fwy na pharod i gael y drafodaeth honno gydag aelodau o bob rhan o'r siambr. Ond o ran yr enghraifft benodol hon yn y Garnant, Gynghorydd Madge, mae'r swyddogion wedi cynnal asesiad diogelwch ac yn bwriadu ymgysylltu â'r perchnogion newydd."

Cwestiwn atodol gan y Cynghorydd Kevin Madge:-

"Os gallwn ddarganfod pwy yw'r perchennog newydd, a fyddai modd i ni gyflwyno hysbysiad iddynt er mwyn sicrhau bod y to'n ddiogel?"

Ymateb gan y Cynghorydd Darren Price, Arweinydd y Cyngor:-

"Mae'r problemau diogelwch yn gwbl hollbwysig ac rwy'n gwybod bod swyddogion y cyngor yn awyddus i ymwneud â'r mater ac i sicrhau diogelwch y gymuned, ac maent wedi gwneud hynny dros y blynyddoedd. Mae'r ganolfan wedi bod yn wag ers dros ddegawd ac yn ystod y cyfnod hwnnw mae swyddogion wedi ymweld â'r adeilad dros 30 achlysur ac maent yn parhau i ganolbwyntio ar sicrhau ei diogelwch. Mae cwestiwn ehangach am adfywiad economaidd Dyffryn Aman ac fel Cabinet rydym wedi amlinellu ein cenhadaeth i weld ffyniant economaidd ledled y sir ac mae hynny hefyd yn cynnwys Dyffryn Aman a Rhydaman fel tref. Credaf mai un o'r pethau allweddol i mi yw ein bod yn amlwg wedi gwneud llawer – buddsoddwyd yng ngweithdai Glanaman, buddsoddwyd yn rhannau eraill o'r dyffryn, rydym yn gyflogwr mawr fel cyngor, mae gennym ddepo Glanaman, mae gennym y ganolfan ddydd, felly fel Cyngor rydym yn gyflogwr mawr yn yr ardal ynghyd â'r ysgolion, ond rwy'n derbyn yn llwyr fod rhagor sydd angen ei wneud. Yn bersonol, un o'r pethau allweddol yw cysylltiadau trafniadaeth. Os ydym yn mynd i fynd i'r afael â datblygu economaidd yn Nyffryn Aman, mae gwella'r cysylltiadau trafniadaeth ofnadwy ac affwysol yn

ardal Dyffryn Aman yn hanfodol. Sut y gallwn ddisgwyl denu busnes a mewnfuddsoddiad gyda'r hyn sydd gennym ar hyn o bryd? Rhan o hyn fydd ailagor rheilffordd Dyffryn Aman. Fel cyngor, trawsbleidiol, rydym wedi bod yn cefnogi hynny ers rhai blynyddoedd ac mae angen i ni weld cynnydd. Un o'r cyfarfodydd a gefais dros yr haf oedd drwy'r Cyd-bwyllgor Corfforaethol sy'n dod â Chastell-nedd Port Talbot, Abertawe, Sir Gaerfyrddin a Sir Benfro at ei gilydd ac yn rhan o hynny mae trafodaeth allweddol ynghylch Metro Bae Abertawe. A bod yn gwbl onest credaf ein bod ar ein colled ar hyn o bryd o ran y cynlluniau ar gyfer Metro Bae Abertawe – mae Sir Gaerfyrddin yn cael y nesaf peth at ddim amdano felly mae trafodaethau y mae angen eu cael gydag arweinwyr awdurdodau lleol eraill a Llywodraeth Cymru ynghylch ein lle ni yn y sefyllfa honno. Os ydym yn llwyddo i wneud hynny, credaf yn gadarn y byddwn yn gweld buddsoddiad a datblygiad economaidd yn Rhydaman, ond bydd hi'n her hebdo.”

13.2. CWESTIWN GAN CYNGHORYDD KEVIN MADGE I'R CYNGHORYDD EDWARD THOMAS, YR AELOD CABINET DROS WASANAETHAU TRAFNIDIAETH, GWASTRAFF A SEILWAITH

“Hoffwn wybod gan yr aelod Cabinet pa gamau a fydd yn cael eu cymryd i atgyweirio'r bont droed rhwng Golwg yr Aman a Pharc Cwmaman? Mae'n 26 oed ac yn rhydu'n druenus ac mae angen ei hailbaentio a'i glanhau ar frys cyn iddi rhydu'n waeth a bod angen un newydd yn ei lle”.

Dywedodd y Cyngorydd Edward Thomas, yr Aelod Cabinet dros Wasanaethau Trafnidiaeth, Gwastraff a Seilwaith:-

Diolch i chi, Gyngorydd Madge, am eich cwestiwn. Byddwch yn ymwybodol wrth gwrs, o ail hanner y 2000au ymlaen, mae'r cyllidebau sydd wedi bod ar gael ar gyfer cynnal a chynnal ein hasedau o ran pontydd a strwythurau wedi'u defnyddio llawer ac wedi'u blaenoriaethu o ran gwaith cynnal a chadw hanfodol i sicrhau bod ein rhwydwaith priffyrdd yn parhau i fod yn weithredol ac mewn cyflwr addas i'w ddefnyddio. Yn hyn o beth mae ein hasedau'n cynnwys tua 800 o bontydd a 1073 o strwythurau eraill.

Cynhelir y math arferol o weithgareddau megis paentio ac ymyriadau eraill ar raddfa gymharol lai pan nodir yr angen, a rhoddir ystyriaeth i flaenoriaethau ehangach, o fewn y gyllideb a ddyrannwyd.

Yn achos y bont droed benodol hon sy'n cysylltu Parc Cwmaman a Pharc Golwg yr Aman, cafwyd trafodaethau cadarnhaol iawn rhwng swyddogion y Cyngor hwn a'r Cyngor Tref fel rhan o'r trefniadau cyffredinol o ran trosglwyddo asedau o ran y parciau.

Fodd bynnag, mae'n amlwg bellach y bydd y Cyngor Sir yn dal i fod yn berchen ar strwythur y bont droed. Ar wahân i hyn, ac yn ysbryd y trafodaethau cadarnhaol a gynhaliwyd hyd yma â'r Cyngor Tref, bydd anghenion cynnal a chadw'r bont droed bellach yn cael eu hadolygu ac asesir faint o ailbaentio y gallai fod angen ei wneud, gyda'r bwriad o fynd i'r afael â rhai o'r pryderon a godwyd fel y bo'n briodol.

Bydd archwiliad gweledol o'r bont yn cael ei gynnal gan swyddogion yn ystod yr wythnosau nesaf er mwyn canfod yr hyn y bydd ei angen o bosibl. Byddaf yn fwy

na pharod i gael trafodaeth bellach â chi, Gynghorydd Madge, a hyd yn oed ymweld â'r safle os oes angen pan fydd canlyniad yr archwiliad yn hysbys.”

Nid oedd unrhyw gwestiwn atodol.

13.3. CWESTIWN GAN CYNGHORYDD KEVIN MADGE I'R CYNGHORYDD JANE TREMLETT, YR AELOD CABINET DROS IECHYD A GWASANAETHAU CYMDEITHASOL

“A oes modd imi gael y wybodaeth ddiweddaraf am Ganolfan Ddydd Cwmaman? Pryd y mae'r Cyngor Sir yn bwriadu agor y Ganolfan Ddydd am yr wythnos gyfan gan ddarparu gwasanaethau i 30 o gleientiaid? Yn ogystal â hyn, beth yw eich cynlluniau i agor y gegin yn y ganolfan i bobl leol er mwyn gallu darparu prydau ar glud a chlwb cinio ar ddydd lau i bensiynwyr lleol?”

Dyweddod y Cynghorydd Jane Tremlett, yr Aelod Cabinet dros lechyd a Gwasanaethau Cymdeithasol:-

“Yn wreiddiol, ailagorodd Canolfan Ddydd Cwmaman ddeuddydd yr wythnos. Ddechrau mis Medi gwnaethom gynyddu hyn i dri diwrnod yr wythnos gydag 20 yn bresennol ac mae hyn yn ateb y galw ar gyfer y gwasanaeth ar hyn o bryd. Rydym yn adolygu'r sefyllfa o ran y galw yn rheolaidd ond nid oes cynlluniau i gynyddu'r ddarpariaeth i bum diwrnod ar hyn o bryd. Ond mae lle ar gael ar y diwrnodau presennol i ateb unrhyw alw ychwanegol y gellir ei nodi. Rydym wedi llwyddo i gael gafael ar brydau bwyd i fynychwyr Cynllun Gofal Ychwanegol Tŷ Dyffryn a bydd hyn yn arbed £100,000 y flwyddyn. Yn amlwg, gellir darparu prydau bwyd mewn modd mwy cost-effeithiol ar hyn o bryd o Dŷ Dyffryn a'r bwriad yw y bydd hyn yn parhau. Hefyd, byddai angen gwneud gwaith adnewyddu i ailagor y gegin a fyddai'n costio £150,000 ychwanegol i'r Cyngor. Mae'n siŵr y trafodir a ddylid buddsoddi ai peidio yn rhan o'r ymgynghoriadau a'r penderfyniadau sydd i ddod o ran pennu'r gyllideb. O ganlyniad, nid ydym mewn sefyllfa i gynnig y gegin i'r gymuned ei defnyddio ar gyfer dibenion eraill fel prydau bwyd cymunedol a chlybiau cinio ar hyn o bryd. Fodd bynnag, byddem yn croesawu cynnig elfennau eraill o'r ddarpariaeth i'r gymuned a byddem yn agored i drafodaethau am hynny.

Mae'r Cynghorydd Madge eisoes wedi trafod opsiynau gyda mi a swyddogion mewn cyfres o gyfarfodydd a gynhaliwyd yn y ganolfan ddydd cyn y pandemig ac rwy'n siŵr, trwy gytundeb, y gellid ailddechrau'r trafodaethau hynny.

Gall aelodau o'r gymuned gysylltu â Llesiant Delta i gael gwybodaeth a chynghor am fusnesau lleol sy'n gallu darparu prydau poeth sy'n cael eu danfon i'w cartrefi, yn ogystal â grwpiau cymunedol sy'n gallu eu helpu i gymdeithasu yn eu cymunedau.”

Nid oedd unrhyw gwestiwn atodol.

13.4. CWESTIWN GAN CYNGHORYDD MARTYN PALFREMAN I'R CYNGHORYDD GARETH JOHN, YR AELOD CABINET DROS ADFYWIO, HAMDDEN, DIWYLLIANT A THWRISTIAETH

“Nodir y bydd Sir Gaerfyrddin yn cael £38.6 miliwn dros y 3 blynedd nesaf trwy Gronfa Ffyniant Gyffredin Llywodraeth y DU a bod Cynllun Buddsoddi Rhanbarthol lefel uchel wedi cael ei gyflwyno i'w gymeradwyo. A oes modd i'r

Aelod Cabinet dros Adfywio, Hamdden, Diwylliant a Thwristiaeth roi cyngor ynghylch y canlynol?

1. Y broses ar gyfer cytuno ynghylch pa brosiectau lleol fydd yn symud ymlaen a phwy fydd yn rhan o'r penderfyniadau hyn.
2. Y trefniadau ar gyfer sicrhau bod anghenion a blaenoriaethau pob cymuned ledled Sir Gaerfyrddin yn cael eu hadlewyrchu yn y prosiectau cymeradwy.
3. P'un a oes trefniadau diogelu ar waith i sicrhau nad yw blaenoriaethau lleol yn cael eu cynnwys yn y rhai a osodir ar lefel ranbarthol, a beth yw'r trefniadau diogelu hyn.
4. Sefyllfa prosiectau arfaethedig o ran bod yn barod, ac yn amlwg bydd angen iddynt fwrw iddi ar unwaith er mwyn manteisio'n llawn ar y gwariant a'r canlyniadau, yn enwedig ym Mlwyddyn 1.
5. P'un a yw'r proffil gwariant ar gyfer y Gronfa wedi'i rannu'n gymesur ar draws pob blwyddyn, gyda dyraniad llai ym Mlwyddyn 1 oherwydd bod y prosiectau a gymeradwywyd yn annhebygol o ddechrau tan o leiaf ddiwedd 2022."

Ymateb gan y Cynghorydd Gareth John - yr Aelod Cabinet dros Adfywio, Hamdden, Diwylliant a Thwristiaeth:-

"Diolch am y cwestiwn a hefyd am y cyfle i roi'r wybodaeth ddiweddaraf i'r Cyngor ac i'r cyhoedd ehangach ynghylch y sefyllfa bresennol o ran cynlluniau Sir Gaerfyrddin i gael y budd mwyaf posibl o'r manteision a'r cyfleoedd a roddwyd gan Gronfa Ffyniant Gyffredin y DU. Mae'r Cynghorydd Palfreman wedi bod yn cael y wybodaeth ddiweddaraf yn ystod ein sesiynau briffio un ag un rheolaidd, a bydd hyn yn parhau i ddigwydd. Gan obeithio bod y Cynghorydd Palfreman yn teimlo bod y rhain yn fuddiol ac yn gynhyrchiol iawn. Yng Nghymru bydd y Gronfa Ffyniant Gyffredin yn cael ei darparu trwy 4 rhanbarth a bydd y llywodraeth leol yn gyfrifol am ddatblygu cynllun buddsoddi strategol ranbarthol lefel uchel ac yna'i gyflawni. Felly, o ran y cwestiwn:

1. Er y cytunwyd y bydd Cyngor Abertawe yn gwasanaethu fel yr Awdurdod Lleol Arweiniol ar gyfer gweinyddu'r dyraniad o £138 miliwn o Gronfa Ffyniant Gyffredin y DU ar gyfer y rhanbarth, gwneir penderfyniadau ar lefel leol, gyda phob Awdurdod Lleol yn cadw at eu trefniadau a'u protocolau cyfansoddiadol eu hunain. Cadarnhawyd mai dyraniad Sir Gaerfyrddin yw £38.6 miliwn, sy'n cynnwys £32 miliwn o gyllid craidd a £6.6 miliwn ar gyfer y rhaglen sgiliau Multiply. Mae disgwyl i gynigion prosiect gael eu cymryd i Bartneriaethau Adfywio Lleol (sy'n cynnwys cynrychiolwyr o'r sector cyhoeddus, y sector preifat a'r trydydd sector) ym mhob Awdurdod Lleol i'w cymeradwyo cyn cael cymeradwyaeth gan y Cabinet. Yn Sir Gaerfyrddin, mae'r Bartneriaeth hon eisoes wedi'i sefydlu ac wedi cwrdd ddwywaith, ac mae'n cynnwys rhanddeiliaid lleol o'r sector cyhoeddus, y sector preifat a'r trydydd sector. Cytunwyd i sefydlu 3 is-grŵp thematig sy'n canolbwyntio ar gymunedau a lle, gan gefnogi busnes a phobl a sgiliau. I ddechrau, bydd Is-Grwpiau'r Bartneriaeth Ranbarthol yn ystyried pob prosiect, ac yna'r Bartneriaeth Ranbarthol, cyn i Gabinet Cyngor Sir Gaerfyrddin roi ystyriaeth iddynt a'u cymeradwyo. Ers cyflwyno'r cynllun mae ein swyddogion wedi bod yn gweithio gyda'r tîm rhanbarthol i ddatblygu proses, gweithdrefn a model cyflawni cyson ar gyfer yr arian. Yn y bôn, mae'r modelau darparu amlinellol a gytunwyd ym Mhartneriaeth Adfywio Sir Gaerfyrddin ddydd Gwener diwethaf yr un fath

drwy'r rhanbarth cyfan, ac yn wir, yn ôl fel yr wyf i'n ei deall hi, y rhai sy'n cael eu datblygu yn y 3 rhanbarth arall yng Nghymru. Rydym yn rhagweld ei bod hi'n debygol y bydd y ffordd y bydd prosiectau'n cael eu gwahodd i wneud cais yn gyfuniad o gynlluniau grantiau a galwadau am geisiadau sy'n agored i bawb. Bydd y broses yn cael ei chytuno ar y lefel ranbarthol i sicrhau lefel uchel o gymunedolrwydd a hefyd, yn bwysicach, cysondeb wrth weithredu'r datganiad yn y cynllun buddsoddi rhanbarthol.

2. Mae Cynllun Buddsoddi Lleol Sir Gaerfyrddin sy'n manylu ar anghenion a blaenoriaethau'r Sir wedi cael ei ddatblygu, sy'n cyfrannu at y cynllun Buddsoddi Rhanbarthol ehangach. Cafodd hyn ei ystyried a'i gymeradwyo gan y Cabinet ar 25 Gorffennaf 2022. Bydd pob cais am arian yn cael ei asesu yn erbyn y blaenoriaethau a nodwyd yng Nghynllun Buddsoddi Lleol Sir Gaerfyrddin i sicrhau bod anghenion lleol yn cael eu cefnogi'n llawn.
3. Mae'r Gronfa Ffyniant Gyffredin yn canolbwyntio'n helaeth ar flaenoriaethau lleol a bydd Sir Gaerfyrddin yn gyfrifol am y ffordd y caiff yr Gronfa Ffyniant Gyffredin ei darparu yn Sir Gaerfyrddin. Er y bydd Cyngor Abertawe yn gwasanaethu fel yr Awdurdod Lleol Arweiniol ar gyfer gweinyddu'r Gronfa Ffyniant Gyffredin, bydd penderfyniadau'n cael eu gwneud ar lefel leol. Ymgynghorir â Phartneriaeth Adfywio Sir Gâr ynghylch pob cais am gyllid. Yn ogystal, yn rhan o'r broses ymgeisio ac asesu, bydd gofyn i ymgeiswyr ddangos aliniad â'n Cynllun Buddsoddi Lleol.
4. Mae'r rhaglen gyfan wedi cael ei rhedeg o fewn amserlen anhygoel o dynn ac mae'n glod i'n swyddogion yma yn Sir Gaerfyrddin ac yn wir yn y tîm rhanbarthol eu bod hyd yn hyn wedi cyflawni'r gwaith o fewn yr amser penodedig. Rydym yn cydnabod bod angen bwrw ymlaen â materion cyn gynted ag y bydd Llywodraeth y DU yn rhoi cymeradwyaeth ffurfiol ac rydym yn gobeithio y bydd y gymeradwyaeth yn cyrraedd rywbryd yn ystod mis Hydref. Mae'r gwaith yn mynd yn ei flaen ar hyn o bryd i sicrhau y bydd y Sir yn gallu creu cyfleoedd i gael cyllid trwy gyfres o gynlluniau grant a galwadau agored cyn gynted ag y ceir y gymeradwyaeth fel y gallwn sicrhau bod ein dyraniadau'n cael eu defnyddio'n llawn bob blwyddyn.
5. Ac yn olaf y proffil gwariant. Ydy, mae eich sylw o ran dyraniad llai ym Mlwyddyn 1 yn gywir ac mae proffiliau gwariant Sir Gaerfyrddin fel a ganlyn:

2022/23 - £3.8m o elfen graidd y Gronfa Ffyniant Gyffredin a £2m ar gyfer Multiply;

2023/2024 - £7.7m o elfen graidd y Gronfa Ffyniant Gyffredin a £2.3m ar gyfer Multiply;

2024/25 - £20.3m o elfen graidd y Gronfa Ffyniant Gyffredin a £2.3m ar gyfer Multiply.

Gosodwyd y rhain gan Lywodraeth y DU a chydnabuwyd eu bod yn hwyr yn dechrau ac felly adlewyrchir hyn gan y dyraniad cyllid cymedrol ym Mlwyddyn 1. Gobeithiaf fod hynny'n ateb eich cwestiwn".

Cwestiwn atodol gan y Cyngorydd Martyn Palfreman:-

“O ystyried bod Sir Gaerfyrddin yn mynd i gael llawer o reolaeth dros ei thynged ei hun, yn yr achos hwn a fydd cyfleoedd i aelodau sy'n cael eu cynrychioli yn y siambr hon gael rhan weithredol yn y ddeialog o ran penderfynu pa flaenoriaethau neu ba brosiectau posibl a fydd yn mynd ymlaen mewn gwirionedd, er enghraifft, drwy'r Pwyllgor Craffu Cymunedau ac Adfywio, ac rwy'n credu y byddai hynny'n cyd-fynd yn fawr â'r ymrwymiad a roddodd yr Arweinydd ar ddechrau'r cyfarfod heddiw o ran dull rhagweithiol o ddatblygu a gweithredu polisi?”

Ymateb gan y Cyngorydd Gareth John - yr Aelod Cabinet dros Adfywio, Hamdden, Diwylliant a Thwristiaeth:-

“Gallaf eich sicrhau chi mai'r ateb yw 'bydd'. Y peth allweddol rydym yn aros amdano ar hyn o bryd yw'r gymeradwyaeth ac rydym yn rhagweld y byddwn yn ei chael rywbryd ym mis Hydref. Ar ôl hynny mae'n fater o wahodd y ceisiadau ac yna mae angen craffu ar y ceisiadau wrth iddynt gael eu cyflwyno. Fel yr amlinellais yn gynharach bydd y broses o ran dadansoddi a chraffu ar y ceisiadau a wneir yn cael eu gwneud drwy'r broses rwyf wedi'i hamlinellu, sef Partneriaeth Adfywio Sir Gaerfyrddin, sy'n hollbwysig, a'r grwpiau rhanddeiliaid. Bydd 3 is-grŵp a byddant yn adrodd i'r Bartneriaeth lawn, bydd y Bartneriaeth yn gwneud argymhellion i'r Cabinet a bydd y Cabinet yn gwneud y penderfyniadau terfynol. Wedi dweud hynny mae rôl bwysig hefyd o fewn y pwyllgorau craffu a dyna lle bydd cyfle i'r aelodau graffu. Byddwn hefyd yn dweud bod ein holl gyfarfodydd hyd yn hyn wedi bod ar sail ymgynghorol, sydd wedi cynnwys yr holl gynrychiolwyr etholedig, gan gynnwys cynrychiolwyr Senedd y DU yn lleol a'r Senedd. Unwaith y byddwn yn cael y gymeradwyaeth, byddwn wedyn yn y cam gwneud penderfyniadau ac ni fydd y gwleidyddion yn cael eu gwahodd. Dim ond y prif rhanddeiliaid fydd yn penderfynu ac yn gwneud argymhellion a bydd ein swyddogion a ninnau, fel awdurdod, yn sicrhau eu bod yn cyd-fynd â'r polisiâu sydd eisoes wedi'u nodi yn ein strategaeth fuddsoddi leol.”

14. MAE'R AELODAU HEB GYSYLLTIAD GWLEIDYDDOL WEDI ENWEBU'R CYNGHORYDD JOHN JENKINS I LENWI EU LLE GWAG AR Y PWYLLGOR CRAFFU GOFAL CYMDEITHASOL AC IECHYD.

PENDERFYNWYD YN UNFRYDOL nodi bod yr aelodau heb gysylltiad pleidiol wedi enwebu'r Cyngorydd John Jenkins i'w swydd wag ar y Pwyllgor Craffu - Gofal Cymdeithasol ac Iechyd.

15. COFNODION ER GWYBODAETH

Dyweddodd y Cadeirydd fod y cofnodion a amlinellir ar agenda 15.1 – 15.9 ar gael i'w gweld ar wefan y Cyngor.

CADEIRYDD

DYDDIAD